

23 მაისი 2018 წელი

ქ. მცხეთა

ერთი მხრივ, მცხეთის მუნიციპალიტეტის მერია (ს/კ 236099789) (შემდგომში „შემსყიდველი“) მცხეთის მუნიციპალიტეტის მერის მოვალეობის შემსრულებლის გივი გიუტაშვილის სახით და მეორე მხრივ, შპს „ლიკანი“ (ს/კ 226155031) (შემდგომში „მიმწოდებელი“), წარმოდგენილი მისი დირექტორის გენადი ტყემალაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების, მიმწოდებლის სატენდერო წინადადების საფუძველზე და NAT180003693 ელექტრონული ტენდერის ჩატარების შედეგად, ვდებთ წინამდებარე ხელშეკრულებას შემდეგზე:

მუხლი 1. შესყიდვის ობიექტი

1.1 შესყიდვის ობიექტს წარმოადგენს: ქ. მცხეთაში (ქუჩები: გოგებაშვილი, გურამიშვილი, ერეკლე მე-2, ვაჟა - ფშაველა, მუხრანის, საგურამოს, გმირის, სამხედროს, ღვინჯილია) გარე განათების მოწყობის სამუშაოები. CPV კოდი: **45200000**

1.2 შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში (დანართი N1) მითითებული ტექნიკური დავალების შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

მუხლი 2. ხელშეკრულების ღირებულება

2.1. ხელშეკრულების ღირებულება შეადგენს 43444 (ორმოცდასამი ათას ოთხას ორმოცდაოთხი) ლარს.

2.2 ხელშეკრულების ღირებულება მოიცავს სამუშაოების სრულყოფილ შესრულებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახდელებს.

მუხლი 3. სამუშაოების შესრულების ვადა

3.1. მიმწოდებელი ვალდებულია წარმოდგენილი სატენდერო წინადადებით განსაზღვრული სამუშაოები დაიწყოს ხელშეკრულების გაფორმებიდან არაუგვიანეს 05 კალენდარული დღისა.

3.2 სამუშაოების შესრულების ვადაა 2018 წლის 23 ივნისი.

მუხლი 4. შესრულებული სამუშაოს გარანტია

4.1 მიმწოდებელი იძლევა გარანტიას, რომ სამუშაოები შესრულებული იქნება ხარისხიანად, საქართველოში მოქმედი სამშენებლო ნორმების/სტანდარტების შესაბამისად და დააკმაყოფილებს შემსყიდველის მოთხოვნებს; ამასთან, შემსყიდველის მოთხოვნის შემთხვევაში, მიმწოდებელმა უნდა წარმოადგინოს ობიექტზე გამოყენებული პროდუქციის ვარგისიანობაზე შესაბამისობის სერტიფიკატი.

4.2 სამუშაოების დასრულების შემდეგ ობიექტის საბოლოო მიღება-ჩაბარების აქტის გაფორმების დღიდან 2 წლის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია მიმწოდებლის მიერ უხარისხო ან/და არაჯეროვანი შესრულებით, მიმწოდებელი ვალდებულია შეტყობინების მიღებიდან, შემსყიდველის მიერ მასთან შეთანხმებით განსაზღვრულ ვადაში შეასრულოს აღდგენითი სამუშაოები „შემსყიდველის“ მხრიდან რაიმე დამატებითი დანახარჯის გაწევის გარეშე.

4.3 ხელშეკრულების 4.2 პუნქტში მითითებულ შემთხვევაში, ნაკლის აღმოსაფხვრელად შემსყიდველი მიმწოდებელს წერილობით განუსაზღვრავს ვადას, რომელიც არ უნდა აღემატებოდეს 15 (თხუთმეტი) კალენდარულ დღეს.

4.4 მიმწოდებელის მიერ ხელშეკრულების 4.2 პუნქტში მითითებული ხარვეზების განსაზღვრულ ვადაში აღმოუფხვრელობის შემთხვევაში, შემსყიდველი უფლებამოსილია მიყენებული ზიანის ასანაზღაურებლად მიმართოს სასამართლოს.

4.5 სასამართლოსათვის მიმართვამდე, შემსყიდველი ხელშეკრულების 4.2 პუნქტში მითითებული ვალდებულების შესასრულებლად, მიმწოდებელს წერილობით დამატებით განუსაზღვრავს ვადას არაუმეტეს 5 (ხუთი) კალენდარული დღის ოდენობით. აღნიშნულ ვადაში მიმწოდებლის მიერ ხარვეზის აღმოუფხვრელობის შემთხვევაში, შემსყიდველი მიმართავს სასამართლოს წინამდებარე ხელშეკრულების 4.4 პუნქტის შესაბამისად.

მუხლი 5. ხელშეკრულების შესრულების კონტროლი

5.1. მიმწოდებელი ვალდებულია, საკუთარი რესურსებით უზრუნველყოს ხელშეკრულების პირობების შესრულების კონტროლისთვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის/მათ შრომის ანაზღაურებასა და ხარჯებს უზრუნველყოფს თავად შემსყიდველი.

5.2 ყველა გამოვლენილი ნაკლის აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება, საქართველოს კანონმდებლობით დადგენილი წესით, ეკისრება მიმწოდებელს.

5.3 მიმწოდებლის მიერ სახელმწიფო შესყიდვის ხელშეკრულებისა და მასში შემავალი დოკუმენტების პირობების შესრულებაზე კონტროლს, ობიექტზე შესრულებული სამუშაოების აქტების (ე.წ. ფორმა#2 ან/და ფორმა#3) შეფასებას, ინსპექტირებას და ხელისმოწერით დადასტურებას განხორციელებს მცხეთის მუნიციპალიტეტის მერიის ზედამხედველობის სამსახური.

მუხლი 6. ანგარიშსწორება

6.1. ანგარიშსწორება განხორციელდება ლარში, უნაღდო ანგარიშსწორების ფორმით, მიმწოდებლის საბანკო ანგარიშზე.

6.2 ანგარიშსწორება შესაძლებელია განხორციელდეს ეტაპობრივად, მიმწოდებლის მიერ წარმოდგენილი შესრულებული სამუშაოს აქტის (ფორმა N2 ან/და ფორმა N3) წარმოდგენის შემდეგ.

6.3 შემსყიდველი იტოვებს უფლებას დაიტოვოს ხელშეკრულების ღირებულების არაუმეტეს 20%, რომლის ანაზღაურება მოხდება სამუშაოს დასრულების შემდეგ მიმწოდებლის მიერ ექსპერტიზის დასკვნის წარმოდგენის და მიღება-ჩაბარების აქტის გაფორმების შემდგომ, საბოლოო მიღება-ჩაბარების აქტის გაფორმების საფუძველზე.

6.3 საბოლოო მიღება-ჩაბარება და ანგარიშსწორება მოხდება ფაქტიური დანახარჯების მიხედვით, ლევან სამხარაულის სახელობის სასამართლო ექსპერტიზის ეროვნული ბიუროს ან სხვა საექსპერტო აკრედიტაციის მქონე ორგანიზაციის მიერ (რომელსაც ექნება საერთაშორისო სტანდარტების ISO/IEC 17020 სერტიფიცირება) გაცემული დასკვნის საფუძველზე, რომლითაც დადგინდება შესრულებული სამუშაოების შესაბამისობა წინამდებარე სატენდერო დოკუმენტაციასთან (თანდართულ პროექტთან, ხარჯთაღრიცხვასთან, ნახაზებთან, ესკიზებთან, სპეციფიკაციებთან და სხვა). შესრულებული სამუშაოს ექსპერტიზის თანხა გადახდილი უნდა იყოს მიმწოდებლის მიერ.

6.4 ეტაპობრივი ან/და საბოლოო ანგარიშსწორება განხორციელდება ხელშეკრულების შესრულების დამადასტურებელი დოკუმენტის - მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღისა.

მუხლი 7. შესყიდვის ობიექტის მიღება-ჩაბარების წესი

7.1. დასკვნა წარმოდგენილი უნდა იქნეს სამუშაოების დასრულებიდან არაუგვიანეს 2 თვის ვადისა.

7.2. შესყიდვის ობიექტის მიღება-ჩაბარება განხორციელდება ორივე მხარის უფლებამოსილი პირების დასწრებით, მათ მიერ ხელმოწერილი მიღება-ჩაბარების აქტის საფუძველზე.

7.3 მიღება-ჩაბარების აქტის გაფორმებაზე შემსყიდველის მხრიდან უფლებამოსილია მცხეთის მუნიციპალიტეტის მიერ შესყიდული სამშენებლო - სამუშაოების მიმღები კომისია ხოლო მიმწოდებლის მხრიდან - მის მიერ უფლებამოსილი პირი.

მუხლი 8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შეთანხმების გარეშე.

8.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია არაუგვიანეს 5 (ხუთი) კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4 ხელშეკრულების პირობების ნებისმიერი ცვლილება უნდა გაფორმდეს წერილობით, დანართი-შეთანხმების სახით.

8.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელი თავდაპირველად დადებული ხელშეკრულების ჯამური ღირებულების 10%-ე მეტი ოდენობით გაზრდა.

მუხლი 9. ხელშეკრულების პირობების შეუსრულებლობა/მხარეთა პასუხისმგებლობა

9.1 მხრები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

9.2 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის, შესრულების ვადის გადაცილების ან ვალდებულების ნაწილის შეუსრულებლობის შემთხვევაში მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

9.3 იმ შემთხვევაში, თუ ხელშეკრულების 9.2 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებლო ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5 მიმწოდებლის მიერ წინამდებარე ხელშეკრულებით ნაკისრი ვალდებულებების შეუსრულებლობა ან/და არაჯეროვანი შესრულება, მათ შორის გეგმა-გრაფიკით გათვალისწინებული ვადების დარღვევა, შემსყიდველის მიერ შესაძლებელია განხილულ იქნეს ხელშეკრულების ვადამდე შეწყვეტის საფუძველად.

9.6. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) მიმწოდებლის მიერ სამუშაოების დაწყების ვადის 5 (ხუთ) კალენდარულ დღეზე მეტი დღით გადაცდენის შემთხვევაში (შემსყიდველისგან დამოუკიდებელი მიზეზებით), თუ სხვა ვადებს მხარეები არ შეათანხმებენ წერილობით. შემსყიდველი უფლებამოსილია დააკისროს, ხოლო მიმწოდებელი ვალდებულია გადაუხადოს შემსყიდველს პირგასამტეხლო, ხელშეკრულების ღირებულების 0,1%-ის ოდენობით, ყოველი დაგვიანებული დღისათვის. თუ ვადის გადაცილება გაგრძელდება 15 (თხუთმეტი) კალენდარულ დღეზე მეტი დღით, შემსყიდველი უფლებამოსილია შეწყვიტოს ხელშეკრულება და დააჯარიმოს მიმწოდებელი შესასრულებელი ვალდებულების შესაბამისი თანხის 10%-ის ოდენობით

ბ) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

9.7 თუ მიმწოდებელი ხელშეკრულებით განსაზღვრული ვადის ფარგლებში სრულად ვერ შესრულებს ნაკისრ ვალდებულებებს, შემსყიდველი უფლებამოსილია მიმწოდებელს

განუსაზღვროს სამუშაოს დასრულებისათვის დამატებითი ვადა, რა ვადაშიც მიმწოდებელი ყოველ ვადაგადაცილებულ დღეზე იხდის, პირგასამტეხლოს შესასრულებელი (დარჩენილი) ვალდებულების შესაბამისი ღირებულების 0,3%-ის ოდენობით.

9.8 მიმწოდებლის მიერ ხელშეკრულებით გათვალისწინებული პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მოსთხოვოს მიმწოდებელს საჯარიმო თანხის გადახდა, ხელშეკრულების საერთო ღირებულების 10%-ის ოდენობით.

9.9 მიმწოდებელი, ფორმა N2-ის ორჯერ არასწორად წარმოდგენის შემთხვევაში, შემსყიდველის გადაწყვეტილების საფუძველზე, შესაძლებელია დაჯარიმდეს ფორმა N2-ით წარმოდგენილი შესრულებული სამუშაოების 0.1%-ის ოდენობით.

9.10 დაკისრებული პირგასამტეხლოს გადახდა უნდა მოხდეს შემსყიდველის წერილობითი მოთხოვნის მიღებიდან 10 (ათი) სამუშაო დღის განმავლობაში.

9.11 შემსყიდველი უფლებას იტოვებს მოახდინოს პირგასამტეხლოს გამოქვითვა მიმწოდებლისათვის ასანაზღაურებელი თანხიდან ან სახელშეკრულებო ღირებულებიდან დაუკავოს თანხა.

9.12 მიმწოდებელი პასუხისმგებელია მის მიერ განხორციელებულ სამუშაოებზე, ასევე პასუხისმგებელია სამუშაოების მსვლელობის მთელი პერიოდის განმავლობაში უსაფრთხოების დაცვაზე, კანონმდებლობის მოთხოვნათა შესაბამისად. უსაფრთხოების წესების დარღვევის შემთხვევაში, შემსყიდველისათვის ან მესამე პირ(ებ)ისათვის მიყენებული ზიანის ანაზღაურების ვალდებულება ეკისრება მიმწოდებელს.

9.13 მიმწოდებელი პასუხისმგებელია სამუშაოების დასრულების შემდეგ დარჩენილი მასალის, ნარჩენების გათავისუფლება/უტილიზაციის წესების დაცვაზე და ვალდებულია აანაზღაუროს ის ზიანი, რაც შემსყიდველს ან მესამე პირს მიაღებდა, შესაბამისი წესების დარღვევის შედეგად.

9.14 შემსყიდველი არ არის პასუხისმგებელი იმ ვალდებულებებისათვის, რომლებიც სამუშაოთა წარმოების დროს მიმწოდებელს წარმოეშობა მესამე პირ(ებ)ის წინაშე.

9.15 როგორც შემსყიდველისათვის, ისევე მიმწოდებლისათვის ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც ექსპერტს დასჭირდება დასკვნის გასაცემად.

მუხლი 10. მხარეთა უფლება - მოვალეობანი

10.1 შემსყიდველი და მიმწოდებელი ვალდებული არიან იმოქმედონ საქართველოს კანონმდებლობის მოთხოვნათა სრული დაცვით.

10.2 შემსყიდველი ვალდებულია :

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- ბ) ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
- გ) ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება.
- დ) დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

10.3 შემსყიდველს უფლება აქვს:

- ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- ბ) ხელი მოაწეროს მიღება-ჩაბარების აქტს;
- გ) მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია;

10.4 მიმწოდებელი ვალდებულია:

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- ბ) სამშენებლო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულების 3.2 პუნქტით განსაზღვრულ ვადაში;

- გ) სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაოები ან/და შეცვალოს უხარისხო მასალა შემსყიდველის მხრიდან რაიმე დამატებითი დანახარჯების გაწევის გარეშე;
- დ) სამუშაოების განხორციელების პროცესში მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;
- ე) „შემსყიდველის“ მხრიდან რაიმე დამატებითი დანახარჯის გაწევის გარეშე, შეასრულოს ხელშეკრულების 4.2 პუნქტში მითითებული ვალდებულება;
- ვ) სამუშაოების დასრულების შემდეგ, საკუთარი ძალებითა და სახსრებით გაათავისუფლოს სამუშაო ადგილი სამშენებლო მოწყობილობა-დანადგარებისაგან, დროებითი ნაგებობებისგან, ასევე სამშენებლო ნარჩენებისაგან, ასეთის არსებობის შემთხვევაში.
- ზ) შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ გადასცეს ხელშეკრულებით ნაკისრი ვალდებულებები მესამე პირს.
- თ) შემსყიდველთან შეთანხმების გარეშე, არ განახორციელოს ქვეკონტრაქტორ(ებ)ის აყვანა ან შეცვლა;
- ი) ამ ხელშეკრულების ფარგლებში დადებული ყველა ქვეკონტრაქტის ასლი წარუდგინოს შემსყიდველს, გაფორმებიდან არაუგვიანეს 5 (ხუთი) სამუშაო დღისა;
- 10.5. ამ ხელშეკრულების ფარგლებში დადებული არცერთი ქვეკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.
- 10.6 შემსყიდველის თანხმობის გარეშე ქვეკონტრაქტორის აყვანის შემთხვევაში, შემსყიდველი უფლებამოსილია მიმწოდებელს შეუწყვიტოს ხელშეკრულება და დააკისროს ჯარიმის სახით პირგასამტეხლო სახელშეკრულებო თანხის 2%-ის ოდენობით.

მუხლი 11. ფორს-მაჟორი

- 11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის გამოწვეული შემსყიდველისა და/ან მომწოდებლის შეცდომით და დაუდევრობით და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება განპირობებულ იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომელზეც ზეგავლენას არ ახდენს ფორს-მაჟორული გარემოებები.

მუხლი 12. სადაო საკითხების გადაწყვეტა

- 12.1 მხარეებმა ყველა ღონე უნდა იხმარონ, რათა ურთიერთმოლაპარაკების გზით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 12.2 ასეთი მოლაპარაკების დაწყებიდან 10 (ათი) დღის განმავლობაში ურთიერთშეთანხმების მიუღწევლობის შემთხვევაში, მხარეები უფლებამოსილი არიან, კანონმდებლობით დადგენილი წესის შესაბამისად, მიმართონ სასამართლოს.

მუხლი 13. შეტყობინება

- 13.1 შემსყიდველის/მიმწოდებლის მიერ ურთიერთწარდგენილი ყველა დოკუმენტი შესრულებული უნდა იყოს ქართულ ენაზე.

13.2 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

13.3 შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

მუხლი 14. ხელშეკრულების მოქმედების ვადა

ხელშეკრულება მოქმედებს 2020 წლის 31 დეკემბრის ჩათვლით.

მუხლი 15: სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 ხელშეკრულებას თან ერთვის და განუყოფელ ნაწილს წარმოადგენს:

- ა) ტექნიკური პირობა;
- ბ) სამუშაოების შესრულების გეგმა-გრაფიკი.
- გ) სატენდერო წინადადება.
- დ) ხარჯთაღრიცხვა.

15.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მუხლი 16: მხარეთა რეკვიზიტები

შემსყიდველი:

მცხეთის მუნიციპალიტეტის მერია

მის: ქ.მცხეთა, ანტიოქიის N7

ს/კ 236099789

ბანკი: სახელმწიფო ხაზინა

ბ.კ TRESGE22

ა/N GE24NB0330100200165022

ტელ: 2512696

მიმწოდებელი:

შპს „ლიკანი 2000“

მის: ქ. ბორჯომი, რაზმაძის ქ. N65

ს/კ 226155031

მომსახურე ბანკი: ს/ს "თი ბი სი"

ბ/კ TBCBGE22

ა/ა GE23TB0100000001467340

ტელ: 599576336

მცხეთის მუნიციპალიტეტის მერის
მოვალეობის შემსრულებელი

გივი გიუტაშვილი



დირექტორი

გენადი ტყეშელაშვილი

